



Tibélekilosi (TB)

Lokasa ya bansango



Tibélekilosi (TB) ezali bokono oyo euti na bakteria, oyo mbala mingi ezwamaka na mimpululu. Nzokande, biteni misusu ya nzoto ekoki mpe kozwa bokono yango. Bato nyonso te oyo bazali na mikrobe ya TB nde babelaka. Na yango, ezali na mitindo mibale ya TB: TB oyo esalaka te (oyo ebengami mpe TB oyo ezali ya kolala to LTBI) mpe TB oyo ezali kosala.

Ntango moto oyo azali na TB ya mimpululu oyo ezali kosaa azali kokosola, kosala likise, to koyemba, mikrobe ya TB ezali kopalangana na mopepe. Bato oyo bakabolaka mopepe moko na moto yango bakoki kopema mikrobe yango.


Bilembo



Kosukosu



Bolembu



Kokita ya kilo



Kotoka na butu



Mpasi na ntolo




Fièvre

Bato oyo bazali na TB ya mipululu bakoki kozala na kosukosu oyo eumelaka baposo misato to koleka, mpasi na ntolo mpe/to kosukosu ya makila. Bilembo mosusu etalelaka eteni ya nzoto oyo ezwami na maladi.



Sololá na monganga na yo soki okanisi ete ozali na TB. Monganga na yo akoki koyebisa yo oala ekzame ya loposo (TST) to ekzame ya makila (IGRA) mpo na koyeba soki ozali na mikrobe ya TB. Soki moko ya ba ekzame wana elakisi eloko, bakosala yo radiografie ya ntolo. Ba antibiotiques nde esalisaka mpo na kosilisa TB oyo ezali kosala. Nkisi ya komibatela ezali mpo na kosalisa TB oyo ezali kosala te (LTBI).

Pulmonaire/Extrapulmonaire



Bokono ya TB oyo ezali kosala ekoki kopesa bokono na mimpululu (pulmonaire), oyo etalelami lokola bokono mpo na bato mosusu. Bokono ya TB ekoki mpe kobima na libándá ya mimpululu (extrapulmonaire), kasi na ntango wana ekoki kozwa bato mosusu te.

Nani azali kobela TB?



Moto nyonso akoki kozwa TB. Bato oyo bazali na likama mingi ya kozwa maladi yango ezali bato ya libota, baninga, mpe baninga ya mosala oyo bazali kokabola mpema moko na moto oyo azali na TB.


Bato basusu oyo bazali na likama ya kozwa maladi yango ezali bato oyo bafandaka to basalaka esika moko na etuluku, bato oyo bamelaka makaya to masanga, bato oyo babelaka maladi ya diabeti, sida, to maladi ya kanser, mpe bato oyo bazali na kilo mingi te. Bato oyo bauti na mikili oyo TB ezali mingi bazali mpe na likama ya kozwa yango.

TB oyo esengeli na bankisi mingi



- TB oyo esengeli na bankisi mingi (MDR) eutaka na mikrobe ya TB oyo ebundaka na bankisi ya liboso.
- Soki nkisi moko to bankisi mingi ya TB ezali lisusu koboma mikrobe ya TB te, mikrobe yango ekómaka makasi.
- TB ya makasi koleka (XDR) ebimaka ntango mikrobe ya TB ezali kobundisa bankisi mosusu ya TB ya liboso mpe ya mibale.
- Yango ekoki kosalema soki bato ya TB bazali komela nkisi ya TB te ndenge monganga atindi.
- TB XDR mpe MDR ezali mpasi mpe esengaka mbongo mingi mpo na kosalisa yango. Nkisi yango ezwaka mpe ntango mingi koleka nkisi ya TB ya makasi te.
- Nkisi oyo basalelaka mpo na kosalisa TB XDR mpe MDR ekoki kozala na makama oyo ekoki koboma moto.

Mpo na koyeba makambo mosusu, kende ná:



1. www.maine.gov/dhhs/tb
2. www.cdc.gov/tb

Okoki mpe kobenga CDC ya Maine na 1-800-821-5821.